



RC 18/012

Sarajevo, 24.05.2018. godine

Predmet: Poziv na Konferenciju: Poslovna zajednica i ciljevi održivog razvoja, Sarajevo, 12. juni 2018.

Poštovani,

Kancelarija Ujedinjenih naroda u Bosni i Hercegovini i Ambasada Švedske imaju zadovoljstvo pozvati Vas na **Konferenciju: Poslovna zajednica i ciljevi održivog razvoja** koja se održava **12. juna 2018. godine** u Hotelu Hills u Sarajevu.

Konferencija predstavlja platformu za promoviranje ciljeva održivog razvoja i podizanje svijesti o izuzetno važnoj ulozi preduzeća u njihovom ostvarivanju. Učesnici konferencije će se osvrnuti na globalne teme u kontekstu Bosne i Hercegovine, uključujući, između ostalog, i odgovorno upravljanje resursima i zaštitu okoliša, etično poslovanje, otvaranje kvalitetnih radnih mjesta i njihov uticaj na imidž i konkurentnost preduzeća. Tokom konferencije će se također razgovarati i o pitanjima korporativne društvene odgovornosti, jednakim mogućnostima i rodnoj ravnopravnosti. Cilj konferencije je predstaviti iskustva švedskih i bh. preduzeća koja posluju u skladu s ciljevima održivog razvoja, ostvarujući tako bolje poslovne rezultate, uz smanjenje rizika.

Na konferenciji koju će otvoriti ministar vanjske trgovine i ekonomskih odnosa Bosne i Hercegovine, gospodin Mirko Šarović, generalni direktor za međunarodnu razvojnu saradnju u Ministarstvu vanjskih poslova Švedske, gospodin Johannes Oljelunda i rezidentna predstavica UN-a u Bosni i Hercegovini, gospođa Sezin Sinanoglu, očekuje se učešće više od 300 predstavnika privatnog sektora, javnih institucija, poslovnih udruženja i razvojnih agencija, akademske i međunarodne zajednice.

Na konferenciji će također učestvovati i njegova ekselencija ambasador Anders Hagelberg, kolege iz Švedske razvojne agencije (Sida) u Bosni i Hercegovini, kao i predstavnici švedskog poslovnog sektora u ulozi glavnih govornika:

- **g. Saša Bešlić**, šef grupe za finansiranje održivog poslovanja Nordea,
- **gđa Katarina M Eriksson**, viša projektna menadžerica, Program hrana za razvoj, Tetra Laval,
- **gđa Susanne Sweet**, Ekonomski fakultet u Štokholmu,
- **g. Daniel Paska**, direktor Programa tehnologija za dobrobit, Ericsson.

Posebno se radujemo što će uvodnu prezentaciju održati direktor Gapminder fondacije, **g. Ola Rosling**, koji je jedan od globalno najcjenjenijih motivacionih govornika i analitičara u oblasti održivog poslovanja.

Više informacija o konferenciji, glavnim govornicima i panelistima možete pronaći na posebnom website-u konferencije na adresi: www.zamisli2030.ba/konferencija

S poštovanjem,

Sezin Sinanoglu
UN rezidentna koordinatorica
Bosna i Hercegovina

nj.e. Anders Hagelberg
Ambasador
Švedska ambasada u BiH